



Trikininit nappaat

Tunillatsinnissaq pinaveersaartinniarlugu
paasissutissat ilitsersuutillu



NAALAKKERSUISUT
GOVERNMENT OF GREENLAND





Aallaqqaasiut

"Kalaallit Nunaanni trikininik pinngitsaaliilluni nakkutilliusussaatitaaneq pillugu nalunaarut marsip 14-ianni 1966-imeersoq" septembarip aallaqqaataani 2017-imi atorunnaarpoq.

Nalunaarut atorunnaarmat nannut aarrillu neqaasa trikinineqarnerinik nakkutiginnittarneq unitsinneqarpoq.

Taamaattumik illit nammineerlutit nannut, aarrit, puisit uumasullu allat qaasuttut neqaasa trikinineqannginneri nakkutigisussaavaat, sianigissavat.

Sunaana trikininit nappaat?

Trikininit nappaat nappaataavoq uumasumit inummut tunillaattartog – zoonose-mik taaneqartartog.

Napparsimalertitsisusoq tassaavoq qullugiaq *Trichinella nativamik* taaguuteqartog. Trikininit nappaammi trikinip qullugiaa uumasut imaluunniit inuit nukiini pooqqasusarput.

Trikininit amerlanertigut uumasuni qaasuttuniittarput, soorlu nannuni, aaverni, puisini, qimmini qimuttuni, amaqquni aamma terianniani.

Qanoq ililluni trikineqalertoqartarpa?

Neqi ooqanngitsoq trikinilik iluamik uulluarneqanngitsoq imaluunniit sialluarneqanngitsoq napparsimalertitsissutaasarpoq.

Trikinip qullugiai pooqqasut aqajaqqumi inalukkanilu ammartarput.

Qullugissat inalukkaniitillutik inerittarput kinguaassiorsinnaanngorlutik, qullugissanik kinguaassiulersarlutik.

Qullugissat inalugaq putoriarlugu aakktut timimut siaruaattarput, nukinnut kingorna nipinngalersarlutik.

Trikininut inummit inummut tunillaanneq ajorput.

Trikinip qanoq ersiuteqartarpa?

Neqimik trikineqartumik nerisimatilluni trikinip ersiutai ullualunnguit qaangiukkaangata napparsimalersutaasarput, aamma sapaatip akunneri arlallit qaangiukkaangata napparsimalersutaasarlutik. Ersiutai assigiingitsut marluusut amerlanertigut tassaasarput:

SIULLERMIK: Trikininik tunillatsissimanermit ullut 2-7 qaangiukkaangata trikinip aqajaqqumi inalukkanilu kinguaassiulertarput. Napparsimalersitsisutai tassaallutik naarlunneq, meriannguneq, meriarneq aamma timminneq.

AAPPASSAANNIK: Trikininik tunillatsissimanermit sapaatip akunneri 1-2 qaangiukkaangata trikinip qullugiai aatsigut nukinnut siaruaattarput timilluunniit pisataanut allanut aamma siaruaattarlutik.

Napparsimalersitsisutai tassaallutik ujallerineq, anniaateqarneq, nukillaanganeq, naggussakktut anniaateqarneq, kissarneqarneq, isit sinaasa pullanneri isigiarsunnerlu.

Trikinip ersiutaanik amerlanerit qaammat ataaseq qaangiukkaangat malugisimasagarunnaartarput.

Timip pisataata ilai trikinimik qaqtigoortumik eqqorneqarsinnaasarput, soorlu uummat, qarasaq, puaat aamma tartut eqqorneqarsinnaasarlutik.


Trikinimik napparsimaleruit erngerlutit nakorsiassaait.

Qanoq ilillutit trikinimik tunillatsinnaveersaarsinnaavit?

Neqi ooqqissaarlugu iganeqarpat sialluarneqarpallu trikinimik nappaate-qalertoqarsinnaanngilaq. Taamaattumik nannup, aarrup, puisip uumasullu allat qasuttut neqaat uulluarlugillu sialluarneqartassapput.

Neqi iganeqartoq 75°C-mit uunarnerusumit uunneqartassaaq. Neqi uulluarneqarsimasoq sialluarneqarsimasorluunniit qasertumik imaluunniit kajortumik qaserujuttumik qalipaateqassaaq.

Trikinip qullugia neqimi qeritinneqartumi panertinneqartumiluunniit toquneq ajorput, qullugissat nillertumut silaannarmullu panertumut naleqqussarsimasuugamik.



Ilusilersuisoq assitalersuisorlu: irisager.gl

Mappersagaq Kalaallit Nunanni Uumasut nakorsaarfia Inuussutissalerinermullu oqartussaaffiup, Nunatsinni nakorsaaneqarfik, Peqqissutsimut Naalakkersuisoqarfik aamma nerisaqarnermut timigissarnermullu suleqatigiit 2018-mi suleqatigalugit saqqummersippaa.